

*Cur ego, si nequeo aut ignoro, Poeta salutor.
Romani pedites tollent equitesque cacbinnum.
Difficile est proprie communia dicere quaeque.
Nec deus intererit, dignus nisi vindice nodus. &c.*

DLIX.

526 Codex membranaceus lat. Sec. XIII. Foliar. 161. 4. nitide exaratus, rubricisque distinctus continet: I. *Richardi* Scoti Canonici Reg. S. *Victoris Parisini* anno 1173. vivis exenti Opus mysticum, quod in *Indiculo* praevio adpellatur *de Benedictionibus Patriarcharum*, alias *Benjamin minor*, five *de Praeparatione Animi ad Contemplationem*. Legitur illud in Edit. *Opp. Richardi*, *Colon.* 1621. 4. p. 178. alia *Capitulum* divisione, quam quidem in *Codice*. Initium ejus est: *Benjamin adolescentulus in mentis excessu. Audiant adolescentuli sermonem de adolescente! evigilent ad uocem prophetae &c.* Textus correctus cum *Impressis* pulcre conspirat. Ultima egregii *Tractatus* sunt: *diuine reuelationi humana ratio applaudit.*

II. fol. 64. sequuntur quaedam *D. Caecil. Cypriani* Opera praemisso *Hieronimi* testimonio e *Lib. de Viris illustrib.* et aliis, quibus *Cypriani* meminit. Et primo quidem absque inscriptione *Liber de Gratia Dei ad Donatum*, qui incipit: *Bene ammones donate karissime. nam et promississe me memini &c.* Contentus cum edit. *Baluziomauro. Venet.* 1728. f. lectiones quasdam offert doctis illis *Viris* non observatas. Ita

sub principium: *et lenes aure blandientis autumnii pro ad lenes auras. Mox: petamus hanc sedem, dent secessum pro dant secessum. Dein: calamos pro arundines &c.*

III. fol. 71. *Incipit liber de habitu virginis.* sed manu coeva impositum *um* i. e. *virginum*. Initium: *Disciplina custos spei. retinaculum fidei &c.* Editio *cit. col.* 353. paullo post medium legit: *quid magis velle ac tenere nos convenit &c.* *Noster* vero: *quid magis velle teneros convenit;* quod praefero. Sequitur enim: *quam ut radicibus fortius fixis &c.*

IV. fol. 81. *Incipit liber de lapsis.* Initium: *Pax ecce dilectissimi fratres ecclesiae reddita est &c.* Nihil inobservatum Editoribus.

V. fol. 95. *Incipit liber de catholice ecclesiae unitate.* Initium: *Cum moneat dominus et dicat. uos estis sal terrae &c.* Mox sub initium malo: *animus ante praestituitur, quam praestruitur, et deinceps: vestigiis Christi uincentis quam viventis.*

V. fol. 106. *Incipit liber de dominica oratione.* Initium: *Euangelica precepta fratres dilectissimi nichil sunt aliud &c.* Inter lectiones varias Editio *cit. col.* 415. non adnotat nostram: *deum de suo ore rogare, quae non improbabilis, cum fermo sit de Oratione, quam Christus docuit. Ipsa omittit*

tit ore. Habet praeterea paullo post: *quanto efficacius impetramus*, ubi contextus nostrum *impetrabimus* suadet.

VI. fol. 117. p. 2. *Incipit liber de mortalitate*. Initium: *Et si apud plurimos uestrum fratres dilectissimi mens solida est &c.* Lectio Editis consona. Post principium pro *perpetua securitas col. 461*. Codex habet *leticia*.

VII. fol. 125. *Incipit liber de opere et elemosinis*. Initium: *Multa et magna fratres karissimi beneficia diuina &c.* Pro plenius *consulatur*, Noster habet: *plenius consilium detur*, et mox: *pro damnatione conclusi*, ubi *Edita col. 476*. legunt *praescriptione*.

VIII. fol. 135. *Incipit liber de bono patientie*. Initium: *De patientia locuturus fratres dilectissimi et utilitates eius &c.* In ingressu edit. *col. 491*. evidenter cum Nostro reponendum: *Nam si patiens ille est pro sapiens*.

IX. fol. 143. *Incipit liber de zelo et liuore*. Initium: *Zelare quod bonum uideas et inuidere melioribus &c.* Nullum ab Editis memorabile discrimen.

X. fol. 148. p. 2. *Incipit liber aduersus Demetrianum*. Initium: *Oblatrantem te et aduersus deum qui unus et uerus est &c.* Lectio ut plurimum Editis congruit. Illa tamen: *nec sic uerna de temperie sua leta sunt*, quam *col. 433*. Editores respuunt et legunt: *nec sic vernante temperie sata leta sunt*, defendi, imo praeferrari potest ex eo, quod mox in contextu *autumna* eodem gene-

re, numero et casu posita sequantur. Atque haec speciminis ergo ad commendandum *Codicem*.

XI. fol. 158. *Incipit cena Cypriani*. Initium: *Quidam Rex nomine Jobel nuptias faciebat in regione orientis &c.* Scriptum istud, *Labbeo* parum sobrii capitis operosissimum commentum, *Oudino* stultum lectuque indignum, *Tillemontio* Turca dignius quam Christiano, procul amandandum a *Cypriani* Operibus iis adhuc adhaeret in Edit. *Pamelii Antverpiae 1568*. T. III. p. 604. non tamen absque της Νοθείας indice.

DLX.

Codex membraneus lat. Sec. 745

XIV. Folior. 143. 8. probe scriptus, rubricisque ornatus hoc miniato est titulo: *Incipit liber de miseria humane conditionis editus a lothario dyacono. qui postea Innocentius papa III est appellatus magnus*. Praeit *Dicatio* ita inscripta et exordiens: *Domino Patri. Carissimo. P.* (Petro Gallociae) *Portuensi episcopo. Lotharius indignus dyaconus. gratiam in presenti. et gloriam in futuro. Modicum otii quod inter multas angustias &c.* Initium L. I. *Quare de vulua matris egressus sum &c.* Confer, quae de hoc Tractatu III. *Libris* seu *Partibus* constante, ejusque primis Editionibus dixi ad *Cod. CCXLVI*. Tertiam, quae recens mihi innotuit, indicavi in *Supplem. Maittair. P. II. p. 606. n. 5304*. Exemplum praefens